



臧晉叔先生手  
選負苞堂集

負苞堂詩選目

卷一

五古古詩

商山行

少年行簡董伯念

山行見孤桐

寄題杜弢武餐霞精舍

東征詩寄宋司馬



邵元讓新有所納爲賦姬人怨

七言古詩

秋風歌贈龍邑博

秋江歌并別馬仲良

短歌重別趙使君

香雨樓歌爲吳幼如使君賦

杜門行戲簡吳翁晉

擣衣篇

前題

春燕篇

夜集流波館聽楊姬歌分得真字

寄題杜將軍經武堂

送吳允兆之燕

除夜畱鄭山人賦贈

聞警

板輿歌壽游明府太夫人

卷二

五言律詩

秋興

許孟中先生開府嶺南喜贈

戲贈陸成叔

送人出塞

送周士昌之雲中其人善奕

送吳駕部公擇北上

送田職方

送龍君御校士金陵

送朱太復北上

送謝在杭左遷之廣陵

送梅子馬之長沙

送宗謙南還

送戚不磷過南黃訪鄧令

送茅孝若應舉

送梅泰符入楚弔丘謙之

人日送范東生入洛

再送張侍御

重送吳允兆之金陵

送劉京兆告歸光州

允兆北游不及別悵然追念情見乎辭

并別喻使君邦相

寄謝司理在杭

寄章選部元禮

寄吳允兆

得吳載伯書却寄

重答允兆

示顧仲穆

訪茅薦卿

陸伯生過訪分得遲字

周稚尊再過山居賦得甘字

同陸伯生集雨花臺分得多字

春日集何侍御仲雅園卽席分得妨字

秋日同謝在杭諸子集希林閣分得輪字

立春日口占

金陵元夜

十五夜同吳六作

東亭晚望

過高園有感

立秋日龍君御招同袁履善徐茂吳汪仲

嘉梅泰符湖心納涼

望亭夜泊

新安道中

聞游肩生旌節過吳門遲久不至因寄之

出塞

壬辰書事

同茅孝若詠春閨

負荷堂詩選  
目  
和徐茂吳詠美人觀畫

同陸伯生陳仲醇諸友集徐賓夫宅共賦

馮昭儀當熊

送孫子長北上分得年字

送俞公臨同吳明卿叅政溯漢江隨訪李

本寧太史

秋九咏

有序

秋風

秋雲

秋蟬

秋露

秋月

秋水

秋螢

秋菊

秋雁

曹廷尉夫人輓歌二首

過美人故居

過茅長公墓二首

同吳允兆茅孝若諸子遊法華寺得歡字  
瓦棺寺代王姬送別吳翁晉

贈蘊璞上人

卷三

七言律詩

秋懷

賀葉相公

賀常開府西師大捷

壽高中丞

爲謝在杭壽其尊人

謁贈王大宗伯紹傅

寄贈章元禮

贈陳季迪奏績



送張侍御巡關中

送邵給舍還朝

送葉奕甫赴任九江

同李文仲賦贈梅戚畹

送允兆再遊京師

送梅子馬之瑕丘

送蔣明府之長洲

代送宋司馬

送朱文寧赴任南少司成

送許開府

送于納言北上

畱別趙使君

贈別沈永思

李本寧招飲湖上二首

清明日同謝在杭諸子飲木末亭用明字

張康叔携伎泛舟城南分得床字

和茅水部

和馬太守安東道中

和游肩生遊虎丘

南湖春讌同鄧戶部汝高陳季迪孝廉賦

秦淮臨汎

臺城懷古

泊射陂簡陳允升

長安元夕

清明見燕

觀妓

賦得香贈妓

咏寒食鬪雞

寄題三游洞

贈喻太守

寄題緯文館

爲范杲題鸚鵡塚

負苞堂詩選  
目  
九  
題衰柳

關河

巳亥書事

聞捷

哭王元美

哭茅薦卿

寄馮開之

卷四

五言排律

和徐茂吳艷體二首

感往篇

送謝在杭捧表北上分得誇字

游肩生入計詩以送之得二十六韻

送吳幼如備兵江右二十四韻

賦得弭棹金陵渚送徐京兆

九日同謝在杭曹能始集清涼寺時注仲

嘉自新都至謝比部友可自燕至方刺史  
子及還閩尹駕部子恒還蜀詩併及之共  
賦五言六韻拈得圖字

九月十五日同潘景升吳允兆諸丈集湖  
上分得登字

寄題杜將軍榮福堂

宿法華寺同吳允兆茅孝若賦得梁字

七言排律

寄喻邗相

出塞

卷五

五言絕句

感懷

送王曰常還豫章

清涼寺雨中送曹能始梅子馬分賦二絕

江上送曹能始別

賦得春鶯送客

陌上見遊者戲爲之咏

春望

寒食

題菜

題黃司馬味泉亭

七言絕句

贈熊明府子良

送吳載伯之金陵

送姚園客還莆

送吳陽伯南遊

江上送別者

與吳翁晉別

簡葉相公

寄吳公禔

久不得允兆書却寄

答姚叔度

答汪仲嘉

秦淮聞吳太寧歌

溪上

華亭早發

淮陽客舍

九月十六夜集汪景純宅同吳允兆諸德

祖諸君子聽賦得四絕

負苞堂詩選卷之一

吳興臧懋循晉叔甫著

五言古詩

商山行

漢興四遺老聲名溢寰區採芝以爲食高蹈商  
山隅帝命屢不就寧復顧苞苴白鶴摩青雲網  
羅安可圖畱侯畫秘計遣使遺之書衣冠趨闕  
庭日與太子俱媢罵誠足辱仁孝亦何須雖有

羽翼功無乃非其初丈夫重意氣出處故不殊  
片言定國本召者而豈徒請看良餌下焉得無  
懸魚

少年行簡董伯念

少年不事事負氣藐聲利匿跡賣漿家結交鼓  
刀肆山嶽可轉移一諾死無二常爲借報讐亦  
者行市義豈伊好輕薄用寄縱橫志玉劍膝前  
鳴金杯馬上醉未知探何丸且學擊豪吏

江行見孤桐

亭亭百尺桐寄植寒江岼下址激奔湍上峰刺  
曾漢危絕生死根鬱結陰陽幹日月稀臨照風  
霜屢凋換雁至枝已空燕歸葉未散苦思積暄  
涼樵伐在昏旦阿閣少見知吹臺莫畱翫何論  
材不材甘心爲君爨

寄題杜弢武食霞精舍

粵昔江文通神授五色筆老而才旣盡懷中筆

旋失之子不好武文彩縱橫出亦夢食朱霞綺  
麗更非一可知雕龍思彬彬有其質奚止策邊  
功坐令群力屈鐘鼎具盈庭賓從爭造膝手抉  
千古秘窮年孰著述末羽飲石梁猶堪見勁逸  
地雷榆溪勝天與將軍日何用希赤松清秋臥  
精室

東征詩寄宋司馬

王業本無外况屬我疆場三韓古朝鮮國初已  
來格迨今祀春秋未常廢玉帛比嬰黼山寇縱  
橫見侵迫羽書入告難天子怒斯赫詔遣李將  
軍張皇援其尾北騎建蝥弧南卒分犀革星馳  
取鳳城武畧何輝奕連戰會連勝獻俘復獻馘  
兵驕稍不戒傷哉碧蹄役司馬昧遠圖羣奸爲  
紆畫表請降東封士氣頓蕭索大遺廊廟憂宵  
旰幾時釋有效犁庭疏有陳閉關策不異謀道  
傍紛紜用莫適朝鮮彈丸地存亡固非惜然彼



當燕京捍衛若肘腋島中諸夷種日本冢兇逆  
豈伊懾犯順實慮朝鮮隔全慶控海門水底多  
焦石夷從大洋至避此必停舶一夫或登陴百  
萬將辟易竭來遂不守坐失兩津扼長平有震  
瓦遼左無安席往者龍山倉世年富儲積如何  
焚剽之而乃棄所獲是以夷衆潰我師亦隨瘠  
側聞薩摩主切齒於關白其臣大小筑伺釁非  
朝夕別有金海酋貌親內仇隙第行捐金間何  
難反弓射琉球鄭迴子殷勤感疇昔屢上烏孫  
書憑風達重譯閩浙並臨海精銳頗充斥五道  
果俱進猶堪褫夷魄不然懸孤師窮征冒險僻  
我旣乏樵蘇彼且事堅壁地脉審生死軍形辨  
主客覆軌一以蹈輿尸定誰責我謠在彭詩輒  
抱杞人感願言備末議芻蕘庶知擇

邵元讓新有所納爲賦姬人怨

聞君新有納紅粧定若新妾心非敢妒妾思轉

難申羞持啼裏面相向寵邊人

負苞堂詩選卷之一

吳興臧懋循晉叔甫著

七言古詩

秋風歌贈龍邑博

秋風起南雁翔千里薄遊思故鄉鄉思不可裁  
拂衣歸去來去來何所湖之濱藥欄漁艇家未  
貧有書且學曬腹客得酒卽覓持螯人

秋江歌再別馬仲良

君方少年余已老落筆詩成君輒好予雖無詩  
不枯槁仰視長天坐碧草碧草年年江上秋年  
年秋草送行舟秋草愁人君復去明朝獨來別  
君處江中不乏雙鯉魚君去誰傳尺素書思君  
常有好顏色秋江洞底徹胸臆欲往相從無羽  
翼佳山佳水皆可息安得借君重縮江南符使  
余日夕聽詩在君側

短歌重別趙使君

偶爲大梁遊耻稱大梁客眼底何人似信陵冉  
冉霜風吹鬢白義陽太守義獨高手解黃金沽  
濁醪邀余共坐清淮側沉飲不覺天雞號明朝  
金盡苦無酒俯視淮河日東走余亦從茲歸故  
山別君不言指其口歸去家仍四壁貧猶餘一  
片肝膽真雖然衰老已無用夷門曾是報恩人  
香雨樓歌爲吳幼如使君賦

靈秀元從雲杜起中有高樓淨如水縹緗之下

昔芳芷瓣香日禮瞿曇氏佳山佳水入樓來端  
屬會心人主此會心說向世人難除是前人畫  
來似畫師但畫人所知誰能畫到無知時知本  
無知我無我是色是空無不可斯言聞者然不  
然試看樓成香雨邊黃金色廣日月隘五濁未  
嘗離法界香吹入人無淺深人人自發菩提心  
長者一言言即省三界直供彈指頃鬻香長者  
佛化身儒非佞佛於佛親正從舍法悟了法佛

其授記樓中人

杜門行戲簡吳翁晉

吳郎遊興逸二京到家十日百病盈杜門高枕  
不敢出蓬蒿三徑縱橫生年饑食闕正自苦縣  
吏催科猛於虎飛雀終嬰廷尉羅遊魚幾陟萊  
蕪釜老夫婚嫁了不關一謝家人心更閒不見  
當時禽子夏曾先向長入青山

擣衣篇

負在堂詩選 卷一  
秋月中天飛烟光幽閨少婦擣衣裳帶露凝寒  
響還澁隨風度遠韻偏長紋砧一瑪瑙芳杵兩  
鴛鴦太白山頭絕書素流黃機上泣紅粧

前題

秋風吹霜百草腓陽鴈愁寒背塞飛是時遼西  
應見憶此夜閨中須擣衣玉腕輕縈雙素袖金  
刀巧剪流黃機凝情端步下粧閣爽砧香杵參  
差作冉冉初從月下調泠泠颯向風前落月下

風前最不禁一拊一擊倍關心摧藏似寫漁陽  
鼓淒清疑拂廣陵琴斗移河轉夜嚮旦怨妾思  
君起長歎思君窮戍苦邀勳怨妾空房積恨殷  
誰念纖腰同杵細誰憐流淚雜砧紋錦屏繡帳  
孤燈色泣坐裁縫嬾無力君身長短妾自知妾  
貌衰妍君詎識衣成無便寄遼西衣裏空畱宛  
轉啼不願麒麟上頭畫但願鴛鴦比翼棲

春燕篇

羞池燕身輕尾涎涎秋至與君辭春還復來見  
坐惜故巢空猶餘故人戀春時物色未應稀穿  
花拂葉好依依幾伴流鶯百般語不共征鴻一  
處飛飛來飛去長相逐登君堂兮止君屋疎簾  
不碍歸畫棟偏宜宿永託于飛賦莫唱雙離曲  
無端離唱起悲風回首關山去路窮自憐弱羽  
將何寄所願君恩那可終不見挾侶翔吳幕窺  
妝入漢宮飛名猶見妒危燄尚相蒙何如舞石  
迎靈雨圖芝寫化工玉筐畱瑞質綵縷繫深衷  
侯封已成相仙履會騰空

夜集流波館聽楊姬歌分得真字

重過舊日流波館猶見當時度曲人從來長袖  
偏能舞何處霓裳更有真娟娟彩扇迴明月冉  
冉雕梁落細塵金尊豈辭滿玉樹莫言新

寄題杜將軍經武堂

鎮西英武世絕倫迥若迅鶻搏秋旻朱薨碧瓦

開甲第蟬冕貂裘壓近臣憶昔單于犯神木連  
烽直與甘泉燭棘門諸將噤欲逃受盟豈辭城  
下辱乃公忿然髮上衝手挽烏號馳鐵驄生縛  
左賢如拉朽徐歸幕府將程功鹵獲雖多不掛  
口別有文才超八斗畫帥健兒較騎射夜擁詞  
人對尊酒青藜吐燿墨花香建安開元皆擅長  
顧予一負雕蟲技老矣不及登公堂

送吳允兆之燕

常年守丘壑棲遲甘瓠落一旦遊京畿迢遞逐  
蓬飛春冰催度馬晨霞薄征衣容顏爲客盡肝  
膽向人微古來豪俠多如此醉酒悲歌且燕市  
高蓋何矜相府前長裾不慕侯門裏腰間寶劍  
七星精會須萬里立功名當軒瀝血報天子莫  
謂漁陽果罷兵

除夜留鄭翰卿賦贈

有手勿彈齊舍劍有足勿躡趙家履生來七尺

不讓人何慮千秋乏知己憶余前歲客新都今年君亦滯三吳可憐漂泊俱除夜可憐慟哭並窮途余昔蕭然百無有君今無錢猶有酒尊中酒滿余自寬囊底無錢君勿醜與君同病本相憐共守寒燈夜不眠藜杖芒屨勞歲歲椒盤相餞任年年年來歲往何趨忽坐使紅顏驚白髮身窮只合賦棲遲才大無庸學干謁不見東郊芳草春一回零落一回新君如不醉年華去明

日春風解笑人

聞警

漢主開邊氣未平江南江北詔徵兵金錢徧賜長榆塞玉節親巡細柳營昨夜軍中羽書至王師轉戰多失利鴈門太守已被圍馬邑行人莫言事

板輿歌壽游明府太夫人

吾不羨鮑氏姬筵前坐憶鹿車時五花驄馬豈



不盛未聞祝者撻何辭亦不羨王家婦白髮紅  
顏登上壽諸子躬耕隴畝間翻媿隣人將却走  
無如太君今日方長年居然平地稱列仙西池  
阿母曾授手南嶽夫人差比肩眼光若暎秋水  
碧容色忽睹桃花妍燿霞已合物外相姓名仍  
向人間傳傳向人間由喆嗣薦書幾見褒卓異  
皆云盛德宜食報瑤芝醴泉貴所自豈必偕隱  
如吳門于公之門先有寄始知瀛海不須到眼  
前信有千秋事佇看治行題御屏徵車召對天  
子廷問侯家何在嘉魚江上山青青問侯家何  
有高堂有母稱歲星侯亦問上何所願上不願  
如燕昭漢武求神靈但願板輿迎養入華省暇  
日趨朝來數堯階冀

負苞堂詩選卷之二

吳興臧懋循晉叔甫著

五言律詩

秋興

咄咄緣何事秋風日掩關  
獨謠惟皂帽緩酌有  
青山司馬遊初倦梁鴻隱不還  
可憐芳桂色無  
個與同攀

許孟中先生開府嶺南喜贈

物論自相猜君王本愛才  
靈書天上下憲府日  
南開建節披新彩  
彈冠振故埃無因趨合浦見  
此去珠來

戲贈陸成叔

抗手謝知己出門多激昂  
皆言生計拙其柰壯  
心長三尺馮驩劍千金陸賈裝  
客游無不可何  
事老東墻

送人出塞

詔遣漁陽卒從君北擊胡  
城形類玄兔嶺勢似  
飛狐大漠烽塵暗窮秋水草枯  
當令馳騎入先  
獻浚稽圖

送周士昌之雲中其人善奕

秣馬將何適風霜右北平  
手談余頗重皮相俗  
休輕烽暗祈連戍笳喧驃騎營  
千金鐵如意持  
贈爾橫行

送吳駕部公擇北上

負卷堂詩選 卷二  
吳郎意太豪爲吏雜風騷直欲從初服何曾負  
濁醪揚舲江月迥憑軾薊雲高若遇桓車騎無  
言是馬曹

送田職方

百萬事東征夷方久未平君王思戢武之子慎  
談兵綠樹丹陽道青雲白下城當知隆漢業根  
本在西京

送龍君御校士金陵

河梁一樽酒言爲故人携水驛錢塘北山城鐵  
甕西車將食塲馬鼓應伺潮雞去去期毋緩斯  
文待品題

送朱太復北上

之子別西津傾城出餞人誰其贈言者而我託  
交親琴爵睽清賞衣冠生遠塵離心不可盡況  
屬柳條新

送謝在杭左遷之廣陵

負在堂詩選 卷二  
遷客今何適言歸翻遠行孤舟辭若水十口寄  
蕪城勿歎權圖拙無如政理清東山蹇閒臥知  
爾繫蒼生

送梅子馬之長沙

束帶君趨府攜尊我送畿可堪秋浦望重與故  
人違楚國山川古江鄉魚稻肥有才無不達慎  
莫耻官微

送游宗謙南還

臨邛客本重安邑主猶賢如何軫歸思亦在秋  
風前溪足垂綸石山餘種秫田誰能抱孤劔白  
髮受人憐

送戚不磷過內黃訪鄧令

韶景漸已暮柳花吹滿空客當寄載日今有往  
朝風賦取靈光注棹將博望通所經山水貌多  
在鹿囊中

送茅孝若應舉

負在堂詩選 卷二 四  
握手離堂夕椒盤與菜盤春風開遠道遊子入  
長安白璧裝詩軸黃金飾馬鞍桂枝行可掇計  
日爲彈冠

送梅泰符入楚弔丘謙之

男兒一片氣千里不治糧未作依劉策先投弔  
屈章蒯緱堪自把絮酒爲誰將只恐茫茫水終  
令動客腸

人日送范東生入洛

客居還送客人日故愁人宮雪融高樹江風蕩  
遠津葍鱸吳國思裘馬洛京塵心賞無由接相  
望空復頻

再送張侍御

青驄白玉珂蹠蹠向交河紫氣臨關見流星伴  
使過秦都前二險蜀道五千多莫問丸泥策清  
時正止戈

重送吳允兆之燕京

負荷堂詩選 卷二 五  
海內日多事送君安所之野風侵管急江雨上  
檣危客有澄清志朝非痛哭時明年蒿徑裏仲  
尉待於斯

送劉京兆告歸光州

內使才猶屈明王眷舊畿方聞虛席待遽念倚  
門歸山水經淮盡風煙入蔡微汝南存月旦高  
義似君稀

允兆北遊不及別帳然追念情見乎辭

茗水望桑津愁雲入戰塵可憐延首地俱是斷  
腸人歲改思題信時危想致身無由將不拜遙  
爲寄陳遵

再別喻使君邦相

復作孔融客兼分劉寵錢勞生爲計拙薄俗受  
知偏麥仆石橋雨烏趨茅屋煙歸來且扶耒十  
畝太湖田

寄謝司李在杭

七載東昌理政成  
囹圄空鄰田爭受質當道未  
知功閣影移春  
漏楊花遲曉風誰將魯連箭爲  
射帝城中

寄章選部元禮

同時獻賦客強半在蒿萊及爾爲銓部冀今無  
滯才官方隨地別啟事自天開慎惜嗔將笑毋  
令世上猜

寄吳允兆

少小希豪俠酬恩薄萬金宦遊長不遂貧病轉  
難任折節防時態憂生損壯心窮交滿天地幾  
贈白頭吟

得吳載伯書却寄

昔有三秋鴈曾傳萬里書開緘已落淚跪讀更  
何如白髮添愁鏡黃金罄客居不知相見日還  
隔幾年餘

重答允兆



負苞堂詩選 卷二  
此地稱佳麗移居亦偶然將爲步兵老豈假布  
衣權高鳥青山盡孤舟白浪前故人長在憶容  
易別經年

示顧仲穆

莫理求凰曲真成別鵠操蕩舟情似狎開閣意  
能豪明月疑歌扇殘雲憶剪刀如何鄭交甫愁  
殺漢江皋

訪茅薦卿

爾室青川曲輕舟好及門淡心貽縞帶逸興屬  
芳樽池氣蒸花潤墻陰上竹昏因君訪林野把  
臂幾人存

陸伯生過訪分得遲字

山齋畱客醉猶記秣陵時北隴移初勒東都去  
不遲宦情循髮見物理折肱知念我來同老菟  
裘只在茲

周稚尊再過山居賦得甘字

僻地容余懶窮交獨爾甘追隨同鄴下蕭索共  
江南服散時相問爲農久未諳不知嵇叔夜臨  
老更何堪

同陸伯生集雨花臺分得多字

共作長干客遠迹十載過江山如有待朋舊已  
無多古寺花仍落新林鳥自歌當杯不惜醉將  
柰夕暉何

春日集何侍御仲雅園卽席分得妨字

何處足風光清溪御史莊客隨黃鳥至筵就綠  
蘿張小豎投車轄佳人勸酒觴城南官道直倒  
載也無妨

秋日同謝在杭諸子集希林閣分得輪字

置酒臨山閣山秋宜醉人從來多逸興況是接  
情親杯漬金英晚歌調玉樹新無煩假官燭留  
月伴歸輪

立春日口占

東陸開春日西都作客時  
菜添迎雨甲梅綴犯  
寒枝爲學初窮易耽遊  
不廢詩晚年哀樂意兒  
輩未須知

金陵元夜

今夜好遊觀金吾禁復寬  
九微燈市匝百戲舞  
場攢明月隨軒騎香風拂綺紈  
猶言歡未足南  
去訪長干

十五夜同吳六作

九谷蚤春回重城鎮夜開  
看燈遊騎集踏月麗  
人來殘席流芳桂遺鈿伴落梅  
長安輕薄子愁  
殺曙雞催

東亭晚望

徙倚東亭暮山山下夕嵐重  
城丹嶂裏萬井碧  
林南樵徑抵窮谷漁歌隔遠潭  
因思故園賞花  
柳正酣酣

過高園有感

負苞堂詩選 卷二  
每經遊賞地攬涕輒思君高樹畱疎影閒花送  
晚芬人非昔杖履林是舊煙雲泉響空山答長  
疑清嘯聞

立秋日龍君御招同袁履善徐茂吳汪仲  
嘉梅泰符湖心納涼

碧樹秋陰下青蘋晚吹通湖山隨地得文酒故  
人同促席歡無間調絃曲未終肯容今暝月流  
影見尊空

望亭夜泊

向暝投何所依微識望亭客舟今復至津路昔  
曾經瑟瑟風吟樹離離鴈度汀翻令鄉思逼數  
起視明星

新安道中

爲客無千里風煙已兩鄉山村人逐市野路鳥  
窺裝遠水兼沙白疎林襍霧黃猿啼何不住暗  
使淚霑裳

負苞堂詩選 卷二  
聞遊肩生旌節過吳門遲久不至因寄之  
天終惠敝邑仍許借賢侯舞燕迎旌旆飛花逗  
客舟兒童騎竹待父老愛棠畱郭外多山水何  
嘗不勝遊

出塞

結束事征西朝昏逐馬蹄山非一梓嶺水更幾  
榆溪風撼旗竿脆沙沉鞞鼓低此身將命在何  
怕虜塵迷

壬辰書事

傳道靈州事經年未解紛尚思蕭相國空出李  
將軍原黍殘秋日關榆慘朔雲漢家陵闕近何  
不懼鳴君

同茅孝若詠春閨

朝日上粧奩鉛華懶更添自憐衣帶緩非愛舞  
腰纖睨睨鶯移樹呢喃燕入簷相思不可薦銜  
涕向新縑

和徐茂吳咏美人觀畫

絕世圖中美傾城閨裏人乍來相對面幾認是  
分身衣簪一等艷姿態兩邊新含嬌語夫聳丹  
青何似真

同陸伯生陳仲醇諸友集徐賓夫宅共賦

馮昭儀當熊

帝幸上林中千羣武騎雄虞人貪逐獸使妾坐  
當熊重氣凌儕輩輕生衛聖躬歸來宴華寢會  
自不言功

送孫子長北上分得年字

爲惜故人別小堂畱夜筵飛觴明月下理曲白  
雲邊簾冷溪潭色茶香石銚煙自茲三徑掩攜  
手更何年

送俞公臨同吳明卿叅政溯漢江隨訪李

本寧太史

共作河梁送平生舊酒豪柳條愁處折桂樹曲

中搵波駭沉碑岸雲迷解佩皋行行訪先達迨  
遞莫辭勞

秋九咏

有序

秋日臥病山居多暇偶諷駱臨海秋九咏  
服膺蒸贍用擬觀濤第同咏淄川毛司馬  
意亦其流而唐詩失傳抑膚見未及率爾  
援筆代爲和章不揆唐突之戒安免匍匐  
之慙所謂爲之翁賢乎已云爾

秋風

炎熇三伏謝涼吹九關通披雲遙出岫摧葉亂  
飄空逐響高梁上縈愁團扇中願言仙客御爲  
拂大王雄

秋雲

凌空散芳勢觴石布玄陰吳會從風遠荆臺雜  
雨淡輕鱗翻夕渚疎葉繞寒林況復乘秋望彌  
傷飄蕩心

秋蟬

清心棲物表高唱託林端  
颺影將分鬢垂綫欲  
上冠挹露綠枝易鄣風  
藉葉難無由寄潘掾同  
悲園柳寒

秋露

金天迴素景玉露啟陰期  
泫泫團荷葉冷冷響  
竹枝光因含月淨寒以變霜  
滋別有羈棲客應  
同警鶴悲

秋月

盧女彈弦夜班姬題扇秋  
凝華懸桂殿散彩暎  
梅樓帶露光凝濕侵雲影  
欲流豈必關山道方  
知離別憂

秋水

幽岬木葉下寒浦浪花開  
風處縈羅去霞前散  
錦來方流依玉瀉圓影逐  
珠迴濯纓徒有咏乘  
槎終愧才



負苞堂詩選 卷二 十五  
秋螢

虬箭經秋改螢光待暝生夕風吹不滅寒雨濯  
逾明流焰臨緗帙飄花拂綺楹娟娟洛川上莫  
是采珠行

秋菊

百卉行俱靡一叢看獨芳纖莖敷密翠細蘂坼  
輕黃瀉豔恒依水涵芬故待霜不愁逢採摘爲  
爾泛金觴

秋雁

嘹唳三秋晚飄飄萬里長心歸淮浦月翅染塞  
門霜本爲傳書素非關慕稻梁寄聲齊客道無  
假僞弦張

曹廷尉夫人輓歌二首

玉貌已成塵威儀空自新笳簫違此地羅綺贈  
何人有戶天寧曉無花歲不春惟餘京兆筆愁  
對遠山顰

其二

有美獨無年空餘女訓傳芝蘭方在握松柏已  
開阡影逝盤龍裏香銷畫翟前猶聞門下客相  
和悼亡篇

過美人故居

理檝下前津逶迤自可遵重來歌舞地不見綺  
羅人小徑蕪新草空梁積故塵但餘初月影猶  
似曲眉顰

過茅長公墓二首

金鞭玉具劍結客少年場豈謂雄心死空餘俠  
骨香阡開原涉後塚接要離傍愁絕西風暮蕭  
蕭下白楊

其二

孤兆人何在豪名世所憐輕肥五陵客寥落九  
重泉白日秘寒隧青松生暝燿弔君自有泣無  
假雍門絃

同吳允兆茅孝若諸子遊法華寺得歡字  
言訪法華寺青松路幾盤午鐘僧出定香飯客  
留歡畫壁歸雲濕經臺背日寒晚來延宿處更  
上古巖端

瓦棺寺代王姬送別吳翁晉

本爲登臨去何當遽送歸心從無住識泪作有  
情揮迸水侵征轄明珠繫別衣高丘今夕雨空  
向夢中飛

贈蘊璞上人

借問東林錫因誰過虎溪行邊溢秋水跌處長  
春萸衣食隨緣度江山卽興題寧知禪念寂長  
在獨園西

負苞堂詩選卷之三

吳興臧懋循晉叔甫著

七言律詩

秋懷

憶昔辭榮賦式微  
南山幾見桂花飛  
將軍閣後諸姬盡  
廷尉門前故客稀  
種豆落箕無那懶  
灌園鑿隧詎知非  
永懷修夜愁難寐  
何處霜風度  
擣衣

賀葉相公

霄漢高懸水鏡光  
主恩初賜袞衣裳  
縈躋九命心仍素  
儀表千官髯未蒼  
好士果開丞相閣  
移朝不假舍人裝  
絕知聞二今無似  
惟有夔龍在盛唐

賀常開府西師大捷

分麾決戰武功宣  
絕邁條侯翊漢年  
寵憶彤弓天子賜  
書疑黃石異人傳  
凱聲動地南還越  
殺氣干雲北護燕  
借問緣邊諸騎曲  
可能乘勝取祈連

壽高中丞

新釀桃花酒正濃  
轅門春曉動歌鐘  
客因酌兕皆操賦  
軍爲椎牛亦解容  
白簡霜威知不改  
赤松天路許相從  
野夫私祝江城外  
遙指公家日觀峰

爲謝在杭壽其尊人

蚤歲王門作傳回長沙不道賈生才更聞令子  
傳家業再捧褒書下帝臺赤玉鳥從滄海寄紫  
金丹就碧壇開年年斗柄常西揭應為仙筵送  
酒來

謁贈王大宗伯紹傳

風儀奕奕冠朝微一代寅清衆望歸南顧重臣  
還曳履中興聖主自垂衣敷求佇戩平津閣端  
揆遙移建禮闈若問史才兼相業幾人不愧漢

匡韋

寄贈章元禮

時方令蒲圻蒲圻有魏順甫者于鱗友也其人已物故惜不及下榻能修北海故事為表其門問乎

江漢初分百里居風塵為吏興何如畏人未擬  
裁賓戲結主寧辭賦子虛倚棹春過彭澤柳登  
樓潮落武昌魚懸知不淺憐才意肯為康成表  
故閭

寄贈馮開之

中山書篋爲誰開  
留滯徒傷太史才  
世路風波元不定  
故園松菊好歸來  
侍兒盡解靈光賦  
坐客頻傾文舉杯  
但使百年能保此  
何須重起漢蘭臺

同李文仲賦贈梅成畹

濯龍門外主家親  
寶馬雕弧任俠人  
遺業韜鈴堪報國  
華堂文酒解留賓  
匣中劍字曾題漢  
臺上簫聲尚識秦  
一自鐘山開別第  
石城花鳥歲

長春

贈喻太守

清時冠冕自翩紛  
大雅何人最出羣  
解劔勸耕龔太守  
當杯頌德晉參軍  
婆娑數俯庭中樹  
揮灑遙生海上雲  
見說郡城曾下鳳  
疑將五色照雄文

贈陳季迪奏績

露冕專城早策勲  
更從藝苑播清芬  
高才自昔

能爲政聖主於今實右文循吏傳成司馬氏遊  
仙詩寄武夷君憐余未及趨門下只解山中臥  
白雲

送張侍御巡關中

藉藉聲稱八使齊行邊秋色滿河西通商幾處  
開亭障防虜何年息鼓鼙漢闕風流爭避馬秦  
關月落蚤鳴雞故人不作豐城令安得干將贈  
解携

送邵給舍還朝

離亭別酒意何如望極關城悵有餘殘雪全添  
江水駛春風半拂柳條舒陽狂我隱吳門跡諫  
獵君題漢闕書此後相思求問訊年年鴻鴈不  
應疎

送葉奕甫赴任九江時前守以告緡被逮  
詩故及之

才名藉甚白雲司大府分符亦較遲四月和風



催去鷓九江秋色待褰帷不愁人吏情難厭但  
問舟車賦若爲詔使紛紜仍未已應非臥理借  
君時

送允兆再遊京師

平生不慣別離心垂老臨岐淚滿襟吳渚文魚  
乘夜去薊門戎馬向秋深時危合自防顏面道  
遠憑誰覓信音他日相逢各相勞會須携手北

山岑

送梅子馬之瑕丘

大邑鳴琴不易過贈君治迹有東阿之官豈道  
行程遠愛客無妨酒債多心在白雲徒自戀身  
牽黃綬竟如何要知別後書能寄郭外春生濟  
水波

送蔣明府之長洲

五湖縹緲不分天津吏來迎若下船報國正從  
郎選始近鄉翻覺主恩偏城中花發潘家種堂

負卷堂詩選 卷三 五  
上琴鳴宓子絃儻以舊游能見憶尺書無藉早  
鴻傳

代送宋司馬

縱金伐鼓震皇威萬里關山度若飛天子預圖  
麟閣賞將軍初破鳳城圍已踰遼海何辭險未  
掃穹廬肯遽歸寄謝五原諸俠少不妨華袞緝  
戎衣

送朱文寧赴任南少司成

臨岐惜別意如何若問金陵我舊過六代豪華  
遺跡徧三吳密邇故人多蔣山春樹蒸蒼霧瓜  
步晴江偃白波冠帶橋門應久待高檐南去勿  
蹉跎

送許開府

講筵羣弟政雲從尊俎何妨與折衝帝謂獨孤  
君似鏡人言諸葛自如龍梯航白雉歸周貢冠  
冕朱鳶屬漢封有客離居悲老大十年霜色暗

芙蓉

送于納言北上

供帳新亭盡漢官送君乘傳入長安  
葢隨津樹陰初合吹襍林鶯聽未闌  
御苑秋風嘶驥裏禁廷曙色筵鷓鴣  
比聞恩許郵程緩過里無妨十日歡

畱別趙使君

歸客歸心似柳懸何期對酒仍畱連  
應悲飛

在窮路且伴梅花過舊年梁苑才非空  
授蘭剡溪興盡未迴船久衰無復元龍  
氣猶自狂吟露冕前

贈別沈永思

英聲茂績久超羣止棘流言何處聞  
豈是公評無白日從來世事本浮雲  
故人正擬尋歸路此地翻成送使君  
寄與吳中親友道莫將蘿薜易玄纁

李本寧招飲湖上二首

相望無地挹清芬今日真成御李君音響可知  
非絕調飛沈終豈易爲羣好懷四月多芳草往  
事孤山但白雲歎息時艱何所道過從惟有一  
論文

其二

無妨車騎止林垞選勝湖頭在此亭美酒盈觴  
呼下若微鐘隔水度南屏池荷香弱休教折隄  
柳風多可耐聽縱使不隨漁父去老臣那忍獨  
爲醒

清明日同謝在杭諸子飲木末亭用明字  
仙侶招携出郭行江南風景作清明參差古樹  
千山合幕歷新煙萬戶生陌上軒車劇流水花  
間歌管雜啼鶯興移觸處堪酬醉遮莫嚴更下  
鳳城

張康叔携伎泛城南分得床字

城南景物待秋芳  
桂樹畱丹菊綻黃  
上客催移三翼舸  
主人雜進九霞觴  
山浮遠翠臨歌席  
岍轉澄波溢釣床  
已向碧天賒月色  
不辭沉醉宿橫塘

和茅水部

問君爲宦興何如  
閉戶垂帷日著書  
楊子江聲天外盡  
白門柳色雨中疎  
故人向老嗟多別  
愛弟經春病未除  
稍喜鄉園長在目  
不須回首憶

離居

和馬太守安東道中

褰帷海邑有輝光  
候吏紛迎大道傍  
未暇趨程向公府  
還能訪俗到農桑  
千村芟舍初來復  
十月河渠漸可防  
傳語流民莫惆悵  
漢家汲黯在淮陽

和游肩生游虎丘

回首吳天霸氣沉  
金閭楊柳自蕭森  
一丘聳湧

應無改雙劍蒼茫不可尋  
短簿祠荒春寂寂  
生公石冷月陰陰  
孰知今古高山調  
併入風流邑宰琴

南湖春讌同鄧戶部汝高陳季迪孝廉賦  
仙郎載酒出青圻  
臘雪全消春水肥  
上國衣冠芳宴接  
中流簫鼓畫船飛  
林光拂席皆成笑  
野鳥迎人亦忘機  
漸覺巖西斜影盡  
猶言豪舉不知歸

秦淮臨汎

秦淮過雨微波增波面  
雲陰寒欲凝  
鐘山遠近自可見  
酒船來往都無恒  
誰家畫閣不臨水  
何處清歌非采菱  
江南佳麗觸目是  
桃葉渡頭天下稱

臺城懷古

徙倚高臺望帝城  
依然佳麗古時名  
山中雨歇琳宮淨  
湖上風歸畫舫輕  
南國諸生聽講集  
長

千少女踏歌行不知鼓角關何事怨咽於今尚  
未平

泊射陂簡陳允升

西風颯颯送歸舟况值淮陰水落秋雲外參差  
看鳥滅月中長短聽猿愁每逢行賈探鄉信幾  
向征途換客裘漫道相如遊已倦臨邛還有故  
人畱

長安元夕

燈火連達夜色賒個中遊賞盡豪家雕鞍正勒  
千金騎翠幃香茵八寶車縈手傾城與傾國分  
頭看月復看花通宵不畏嚴關掩更引笙歌抵  
狹邪

清明見燕

常年早識主人歸何事春深見獨稀平野新煙  
初冪冪雕梁舊壘乍依依柳間弄語千般作花  
底啣泥百過飛最是秋風不相待羌池莫遣負

芳菲

觀妓

楚國徒營行雨觀漢家虛築避風臺豈知絕代  
東隣是何用傾城北地求蓮葉餘香隨屣度櫺  
花新艷逐裾開正歡歌舞能畱客蹙囑斜光勿  
遽催

賦得香贈妓

繡閣春風發衆香鬱金蘇合與郁梁開筵轉益  
清尊美拂鏡能添紅粉粧荀令三旬猶恨歇漢  
君千里詎爲芳氤氳卽是迷樓處何必畱賓在  
袖長

咏寒食鬪雞

寒食東郊散曉晴籠雞競出鬪縱橫飄花照日  
冠相映細草寒風翼共輕各自爭能判百戰還  
誰顧敵定先鳴歸來驗取黃金距應笑周家養  
未成



寄題三遊洞洞在夷陵唐白居易嘗與客  
三遊焉

不辭杖履躡崔巍千尺丹梯鳥道迴誰闢地靈  
通楚塞直凌天險辨秦灰濤生江底黃牛轉樹  
掛雲端白帝開遙想昔賢遊覽處幾能無媿大  
夫才

寄題緯文館

夫君能武復能文但睹堂名自不羣人指雕弧  
曾射日吾知彩筆本凌雲遺鱣舊識關西學倚  
馬新題塞上勳底用沉碑江漢水至今猶說杜  
將軍

爲范杲題鸚武塚

丹嘴緗翰委暮塵英魂長記玉樓春總知慧性  
終無侶不爲能言反誤身隴坻高松枝未落漢  
江芳草色猶新何時更逐楊家雀也學啣環報  
主人

題衰柳

千尺垂楊百尺枝半臨官道半臨池可憐攀折  
無窮日非復嬋媛似昔時風裊殘絲縈去馬露  
將寒葉對顰眉別離最是愁人思莫向關山笛  
裏吹

關河

關河使者半垂璫歲歛金錢入尚方車馬故應  
愁蜀道兵戈猶自哭遼陽百年府藏元非乏四  
海人心可重防多少廷臣上封事還誰折檻動  
君王

巳亥書事

水衡少府尚堪供真是宸居惜費重已見關河  
增榷賦可能山谷借泥封轡軒使者遙相望畫  
省郎官不自容願以芻蕘垂帝聽萬方玉帛正  
朝宗

聞捷

負在堂言選 卷三 十四  
連年遼海事兵車一月三傳有捷書路轉扶桑  
鳴凱處筵開林杜勞還初左軍功大讒偏入北  
闕恩深賞詎踈不佞小臣持過計內憂外懼總  
何如

哭王元美

一夕文星殞自天哭公纔是識公年拂衣歸指  
羊腸外斬板封成馬鬣前妙理不畱夷甫塵韶  
音猶繞伯牙絃大都往往遺書在莫向名山恨

未傳

哭茅薦卿

才是河堤出使年坐看京兆已開阡起家未至  
二千石賻死空歸百萬錢功在白渠應不泯剛  
成青史若爲傳故人自有山陽感回首寒冰獨  
泫然

負苞堂詩選卷之四

吳興臧懋循晉叔甫著

五言排律

和徐茂吳艷體二首

二八可憐人桃花與競春花穠  
潘子縣人美宋家隣醜取方丹  
臉粧持比絳脣轉添脂際色彌  
瑩粉中津乍對疑臨鏡重看似  
寫真兩邊光照灼一種貌精神  
映井分呈笑含煙並作顰蜂尋

迷彩麗馬度逐香塵初日高唐觀朝霞洛水濱  
送嬌嬌不盡弄態態爭新問字知爲葉詢居道  
避秦黃金歡勿恡來買艷陽春

右桃花人面

華館結重幃新粧定自稀氤氳挹香澤縹緲鑿  
容微合翠嬌芳鈿分紅艷舞衣佩連鈎玉響珥  
間箔珠輝寶帳龍雙隱雕梁燕獨歸半遮迷薄  
霧少出漏斜暉塵影流歌細波紋轉盼微花藏  
金谷妓竹倚楚江妃望美疎難越邀期近復違  
似防交甫戲故忍夏侯譏羅薦何由接絃琴乍  
可揮未知心所予徒取色頻飛

右隔簾美人

感往篇

少小負驕矜文成衆誤稱千金期售駿萬里會  
騫鵬與計俄偕上承明遂僭登爭言看衛玠詎  
比策孫弘齋室逢前席朝車託後乘譽髦周代  
詠掌故漢廷徵恩重慙何報才輕憚莫勝連章  
辭法署隨牒赴江陵郢樹秋先下巫雲曉更蒸

道寧黃綬屈望豈絳帷增憲府勞推薦詞場忝  
中興分曹司禮樂進秩亞凝丞折鹿名堪倚銜  
魚兆儻憑方將規少貶那復侈多能客指門如  
市人傳酒似澠篋書初入魏機杼果投曾不分  
彈珠鵲偏驚點壁蠅乞休新綬冕賜老舊溝塍  
種柳依彭澤思尊逐季鷹歸來曾幾載貧病苦  
重仍坐臥拋鉛槧經營困斗升寡妻魂奄逝稚  
子學無恒歲歉常憂盜庭虛久喪朋南山歌已  
厭北隴笑彌騰乍識微心許深知有背憎死灰  
猶見忌孱肋也相凌世益工萋錦吾終抱直繩  
龍蛇甘自匿牛馬且須應往事傷回首餘生悟  
折肱明年當五十從此勗淵冰

送謝在杭捧表北上分得誇字

微號崇周妣覃恩溢漢家萬方俱獻壽仙使正  
乘棧鏡吹喧都邑旌麾被浦沙聯鑣朝客送供  
帳路人誇尊蟻添流泛檣烏帶雨斜蒲抽幾寸

負苞生言選 卷四  
節榘綴百重花香靄雲天曠蒼茫水驛遐嚴程  
不可緩聖主待皇華

游肩生入計詩以送之得二十六韻

三吳推吏治誰得似循良况值龔黃守來從屈  
宋鄉詩才知總擅政跡較彌彰百里勞騏驎卑  
枝借鳳凰功加天日峻澤衍雪川長乳雉馴車  
下陽矯避路傍琴臺高宓子花縣美潘郎德惠  
畱輿頌聲名人薦章皆言資補袞何但擬含香

鳧鳥旋應去牛刀信不遑桐鄉猶戀戀京兆本  
堂堂報主心偏赤憂民鬢欲蒼試看今歲計非  
比昔時康輸輓疲諸道徵求困萬方金繒遺絕  
塞璧馬罄宣防少府猶填壑潢池每跳梁寵惟  
私左縮筭肯絀弣羊群望寧無屬孤忠必有當  
直須忘毀譽且勿問行藏客候關門氣天迴列  
宿光銓曹虛上考黼辰待匡襄振鷺仙班引驪  
駒祖席張君能憐小草吾益愛甘棠燕市歌難

和延津劍儻將依然人臥雪遙指鳥隨陽所藉  
春暉力幽蘭也自芳

送吳幼如備兵江右二十四韻

曠代完真氣熙朝用大賢探珠惟赤水採玉必  
藍田屈宋空張楚荆高豈急燕自今能捧日疇  
昔枉談天綬向三吳擁帷曾百粵褰馮唐寧計  
秩邴舅已過年地匪輕淮海名應重潁川犢歸  
新賣劍馬飲舊沉錢雅操彌攻苦閒情肯慕羶

但期流澤在勿問薦書傳城鳳頻驚下臺鳥始  
賀遷宦資將石去鄉夢與床懸廬嶽千尋上官  
湖九派前晴光搖組練秋色引旌旃懶發陳遵  
牘終先祖逖鞭經綸餘竹素楊榷付丹鉛落羽  
猶堪振遺洩總不捐交從知己借才得故人憐  
繾綣深投轄慙懃數贈氈嵇康疎益甚徐孺禮  
何偏郡舍方休矣河梁遽黯然酬心指茗雪揮  
手隔風煙飛蓋驕難駐離歌杳莫宣東林儻修



社重結異時緣

賦得弭棹金陵渚送徐京兆

江渚通南紀都城控上遊林光初啟曙濤色正  
臨秋岸弭蒼鷹舳筵開白鷺洲餞申朝彥集借  
寇國人謀風雨迴鏡吹魚龍避棹謳山移遠樹  
出潮退淺沙淨舊浦寧無戀嚴程詎可畱懸知  
丹禁裏入夢有商舟

九日同謝在杭曹能始集清涼寺時汪仲

嘉自新都至謝比部友可自燕至方刺史  
子及還閩尹駕部汝恒還蜀詩併及之共

賦五言六韻拈得圖字

重陽臨素節遐眺極黃圖寶樹開千座金花薦  
百壺霜催遵渚鴈涼結吹臺烏江令歸初得桓  
公賞不孤旣欣朋自遠復此餞傾都顧我慙能  
賤登高從大夫

九月十五日同潘景升吳允兆諸丈集湖

上分得登字

何幸值良朋兼之酒似澠鄂舟今夕共陳轄往  
年曾野服新裁芟山尊曲製藤觀濤雖較晚乘  
興亦無恒莫遽凌風去還須待月升林寒聞葉  
下湖靜覺波澄隱隱高城柝離離遠岫燈客非  
尋北海妓本出西陵度曲當誰顧稱詩敢自矜  
兩峰秋更好期爾歷攀登

寄題杜將軍榮福堂

何事箕疇福榮名不共俱要知綿世澤端在揭  
宸謨接武人如玉敦詩將是儒簪纓誰比盛堂  
構自應殊星欲重檐墮雲將畫棟扶軸簾紅拂  
妓列戟紫髯胡海岳窺鵬擊軋坤撫駿圖猶聞  
辭起第爲未滅匈奴

宿法華寺同吳允兆茅孝若賦得梁字

樹轉棲幽徑雲歸講法堂高僧畱杖鉢客子問  
津梁鳴磬和仙梵然燈借佛光風泉寒拂牖霜

月淨移床久厭生涯苦從耽野趣長冥心依怖  
鴿故業感亡羊壁是何年畫琴應此日張遠公  
不禁飲來往虎溪傍

負苞堂詩選卷之四

吳興臧懋循晉叔甫著

七言排律

寄喻邦相

使君風雅冠詞場勛業兼畱竹帛光露冕外臣  
資共理垂衣聖主眷惟良望傾百揆心逾赤恩  
戴三朝髣易蒼翰墨當年誇武庫經營隨地見  
文章好賢屢解陳蕃榻憂國能開汲黯倉詎遣

負卷堂詩選 卷四  
盛名輸小草佇看遺澤永其棠座綠客集題鸚  
鵡政爲人和下鳳凰宦跡崢嶸新竹馬酒容瀟  
灑舊胡床赤城賦就神猶往白石歌殘願果償  
高第總推吳太守少年爭附蔡中郎龍門邂逅  
叨投刺驪路逡巡對別觴浪說白雲謠可獻敢  
云青玉案相當論持上下期千古興阻沿洄愴  
一方只有寸衷將尺素雙鴻時起太湖傍

出塞

蕭關烽火震咸京持節登壇事北征三表慨然  
披賈疏一戎率爾乞終纓金門驟躍飛黃出玉  
塞遙占太白明結陳潛軍趨馬邑分麾列卒度  
龍城湛盧離匣胡霜慘繁弱張弦漢月橫歛野  
旌旗開殺氣囂天笳鼓亂秋聲長驅直踐賢王  
帳轉戰全夷雜虜營勒石狼山題浩蕩洗兵鯁  
海照澄清宣威絕漠邊功立獻凱還都廟畧成  
會看封侯班定遠莫將投筆笑書生

負苞堂詩選卷之五

吳興臧懋循晉叔甫著

五言絕句

感懷

一夜青霜降  
萋萋草具腓  
誰知巖谷裏  
猶有薜蘿衣

送王曰常還豫章

何事不禁愁  
蒼皇上別舟  
遙持兩行淚  
日對九

江流

清涼寺雨中送曹能始梅子馬分賦二絕  
十年始一見愁心未能雪那堪風雨中更作東  
西別

其二

越嶠朝嵐重楚江秋水淡離程不可盡况復故  
人心

江上送曹能始別

相望江亭晚尊空客漸稀楊花不解別到處逐  
君飛

賦得春鶯送客

綠樹隱黃鶯作意向春鳴君過春山聽無非喚  
友聲

陌上見遊者戲爲之詠

花柳可憐人鶯嬌燕復新盈盈南陌上若個不  
爲春

春望

所思千里道積望傷懷抱不知春幾深綠盡長  
河草

寒食

揮馬出長安前程正渺漫可憐中自熱徒有食  
能寒

題菜

桃李有好色當春競藿靡菜花亦不遲開徧春

風裏

題黃司馬味泉亭

爾家綠雲芽薦以中冷水一枕北窻餘微風落  
松子

負苞堂詩選卷之五

吳興臧懋循晉叔甫著

七言絕句

贈熊明府子良

顧渚山頭五色霞使君行部到山家勝遊端自  
兼公事春兩年年採貢茶

送吳載伯之金陵

青蘋綠綺俠遊裝分手江亭去路長處處鶯花



留客醉不知春色在橫塘

送姚園客還莆

寒江落日倚歸槎  
目盡南天不見家  
莫向離程怨蕭瑟  
千山紅葉似春花

送吳陽伯南遊

春風啼殺白門鷓  
綺陌鱗鱗衛玠車  
遠手如花遊女伴  
一時夾轂問君家

江上別送者

日日春風吹別顏  
故人舟楫幾人攀  
懸江東下桐廬道  
一片桃花送客還

與吳翁晉別

同爲異客有先還  
落日征轅不重攀  
離思如何寄歸鴈  
隨君遙度秣陵關

蒟葉相公

罷官昨日今如何  
行馬門前換雀羅  
便道傾都供帳盛  
舊來東閣似還多

寄吳公擇

一臥山中無歲月每對青銅傷白髮春來思酒  
不得錢閉門數日花事歇

久不得允兆書却寄

白門無事久離居淡巷垂楊臥病餘啼鳥欲闌  
春已盡故人不寄一行書

答姚叔度

放舸衝炎作遠遊故人念我特相畱別來東去

錢塘路幾日涼颼宛似秋

答汪仲嘉

客路經春侶伴稀故鄉回首淚霑衣不知若個  
吹長笛一夜梅花似雪飛

李大夫巡淮歌

黃河東接大淮浮千里金隄引漕舟瓠子宮前  
君試望桃花無恙漢時流

秦淮聞吳太寧歌

夜深四座已頽然忽聽吳歌曲哀傳片片涼雲  
低不度一齊回首月明前

溪上

草閣柴扉面碧波芰荷香動午風多故人避暑  
杯無恙何事交遊更不違

華亭早發

風雨連江偃荻蘆眠鳧宿鴈夜相呼平明霽色  
澄如練一片高帆出溇湖

淮陽客舍

茱萸灣上鴈初飛桐柏山前客未歸何處吹笳  
明月夜能令清淚滿征衣

九月十六夜集汪景純宅同吳允兆諸德  
祖諸君子聽妓因拈庭來顰時韻賦得四  
絕

洞戶層軒夜不扃遞將歌妓借人聽不知餘曲  
還畱幾但覺霜華飛滿庭

其二

疑到秦家學鳳臺歌筵四面錦屏開雖然佳麗  
無從見時送香塵隔棟來

其三

傳得當年子夜新一聲堪動滿筵人曲中若到  
傷心處難道青蛾不自顰

其四

艷質偏宜最艷詞歡情惟有酒能知一傾一石  
應難醉何必羅襦半解時

孤嘗於過庭時間及風雅府君以自選雜體  
詩百五十餘篇示孤孤請益府君不許曰若  
不知杜必簡氏名之藉藉而詩之寥寥乎孤  
請梓府君復不許曰若其待之亡何府君見  
背哀毀荒迷中筆研都廢獨不能不爲先人  
不朽計因攜其稿若干冊謁茅先生孝若諱  
可否先生曰子姑承遺命嗣爲續集可也孤

乃併府君文合付剗刪文尤散逸不可稽今  
亦第刻其存而自選者

辛酉五月旣望不孝孤爾炳百拜謹識



